

Urkundenbuch des Klosters Fulda; Teil: Bd. 1., (Die Zeit der Äbte Sturmi und Baugulf) (Ed. Stengel) Nr. 261

In dei nomine. Licet parva et exigua sunt, quae pro meis immensis offero sceleribus, tamen scio aequissimum iudicem plus devotionem mentis quam quantitatem perpendere muneris. Idcirco ego Gerprahtus sana mente totoque desiderio dono atque trado in elemosinam meam ad sanctum Bonifatium, qui corpore requiescit in pago Grapfelde in monasterio Fulde, ubi vir venerabilis Paugolfus abba summa cum moderatione turbe monachorum pius preesse videtur abbas, quicquid in pago Wormacinse id est in Teinenheimu marcu proprietatis habeam id est in terris, silvis, campis, pratis, pascuis, aquis aquarumque decursibus, vineis et tres ariales, quarum una media cingitur via publica et media hereditate sancti Bonifatii et proprietate Zotanes; altera duabus partibus circumdata est hereditate sancti Bonifatii et in duabus via publica et proprietate Starcheres; et tertia undique cingitur hereditate sancti Bonifatii; hocque totum atque integrum dono atque trado in elemosinam meam ad sanctum Bonifatium, uti per eius patrocinium merear infernalitatem vitare tormenta et aeterna adipiscere gaudia, sicque trado, ut ab hac die presente in elemosinam meam hec traditio firma et in contradieta transeat in dominium vestrum nullo, quod absit, contradicente. Scripta hec kartula traditionis in monasterio Fulda anno XXXI. regni domini Karoli gloriosissimi regis Francorum mense septemb. die X. kl. octob. † Signum Gerprahtes, qui hanc kartulam traditionis fieri rogavit. † Roccholf. † Helmrih. † Starcrat. † Betto. † Einheri. † Erhart. † Altpraht. † Odalheri. † Erhart. † Uurmheri. † Batucho. † Heriwin. † Wehtor. † Erpho. † Engilheri †.